



10. marts 2023

UPA 2023/145

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Narsami aammalu Kullorsuarmi ilaqtariinnut siunnersortit ukiut marluk suligasuartussanik Naalackersuisut aallarnisaanissaamut peqquneqarnissaanik Inatsisartunut aalajangiiffigisassatut siunnersuut. Suligasuarsimanerit naammassippata naliliiffigineqassapput, nunatta sinneranut siammarneqarsinnaanersoq nalilersornissaanut siunertaralugu.**

(Inatsisartunut Ilaasortaq Nivi Olsen, Demokraatit)

### **Tungavilersuut**

Inuuneq pitsaasoq peqataalluarnissarlu pilersinnissaanut ilaqtariinneq Demokraatiniit pingaartorujussuartut isigaarput. Avaqqussinnaanngilarpulli piffissaq ingerlanerani ilaqtariinni tamani unammillernartunik peqartoqarsinnaasarmat. Ilaatigut ima annertutigisinnaasarput nammaneqarsinnaajunnaarlutik avinnermillu kinuneqartitsisarlutik.

Qularutissaanngilaq avinnissamik aaliangerneq ilaatigut eqqortuusarmat, kisiannili aamma ilaatigut ilaqtariit avissaartingikkaluarlugit ikiorserneqarnikkut unammillernartunik qaangiinermik kinguneqarsimasinnaasarunalarput.

Ullumikkut illoqarfanni Qaanaami, Upernavimmi, Ilulissani, Qasigiannguani, Qeqertarsuarmi, Kangaatsiami, Aasianni, Sisimiuni, Maniitsumi, Nuummi, Paamiuni, Qaqortumi, Narsami, Nanortalimmi, Tasiilami aammalu Uummannami 16-nik ilaqtariinnut sullissiveqarpugut. Sullissivinni taakkunani ilaqtariittut ikiorserneqarsinnaapput, siunnersorneqarsinnaapput ajornartoormilu ikiortissinnaallutik.

Ilaqtariinnut sullissivinni ilaqtariittut ineriartornissamut ikiorneqarsinnaanissamut inissamik tneqarnissamik piumasaqaatit kommuunimiit kommuunimut assigiinngitsuupput. Pingaarnertulli kommuunerisami atugarissaanikkut isumaginninnikkullu sulisorisq ilaqtariinnut sullissivimmi ilqatuariittut neqeroorfigineqarsinnaanermut ilumut iluaqtigineqassanersoq nalilersorneqartarpoq.

Ilqautariinnut sillissiviit Demokraatiniit pitsaasutut isigaagut, kisianni ilaqtariinnut isumaginninnikkut ingerlaneliortunut tulluarsagaavoq. Uagulli kissaatigaarput ilaqtariit isumaginninnikkut ingerlanerliortuunngitsunut suliniummik ilalersorneqassasoq, pisortaniillu innersuussinikkut pisariaqangitsumik. Aammattaaq isumaqanngilagut ilaqtariittut siunnersorneqarneq, ilitsersorneqarneq imaluunniit ilaqtariinnut siunnersortit taasannik ikiorserneqarnissamik neqeroorfigineqarsinnaaneq isumaqartariaqanngitsoq isumaginninnikkut ingerlanerliooqqaartariaqartoq.

Ilaqtariinnut siunnersortit piffinni nuimasuussapput, saaffiginninnissamut toqqissisimanartut qularnanngitsullu. Ilaqtariinnut siunnersorti ilaqtariinnut saaffigiuminartuussaaq, pingaarnertullu suliasarissallugu ilaqtariit piffissami unammillernartorsiorfiini siunnersussallugit ilinniartissallugillu,



ilaqutareeqarnikkut ataqatigiinnikkullu nukittuumik inuiaqatigiit tungaveqalersitsisussanik. Tamatumani ilaqutariit unammillernartuutiminnik qaangiinissaat ilaqutariittullu najuinnarnissaat siunertaralugu.

Ilaqutariinnut siunnersorti soorunalimi pikkorissarsimasuussaaq/ilinniarsimasuussaaq, uannullu pingaartuuvoq ilaqutariinnut siunnersorti suliniutigineqareersunut ilaliissamat taarsiutaassananilu.

Isumaqarpunga suligasuarmissamat isumassarsiaq aallarniutitut piffinni marlunni misiliutigineqarnissaa isumassatsialaasoq; Narsami Kullorsuarmilu. Piffiit taakku marluk suligasuarfissatut toqqagaapput, avannaani kujallermi aammalu illoqarfimmi nunaqarfimmi misiliutigineqarnissaat siunertaralugu. Piffiit allat misiliiffigineqarnissaanut isumaqartoqarpat isumaqatiginninniarnissannut piareersimavunga.

Uannut Demokraatinullu pingaarnepaajuvoq suligasuarmissaaq pitsaasumik tutsuiginartumillu ingerlanneqarnissaa, ilaqutariinnut siunnersuineq isumaq nunap sinneranut atuutsinneqarsinnaaneranut ilisimasaq tutsuiginartuunissaa.

Naggaserlugu oqaatigerusuppara maani Inatsisartuni piffinni unammillernartoqarfiusuni piffikkaartumik aaqqinneqartarnissaat isumaqatigiiffigisaratsigu naqissuserusukkakku. Siunnersuullu una taamatut tungaveqarpoq.

Naalakkersuisut partiillu sinnerisa siunnersuummut qanoq isumaqarnersut tusassallugu qilanaarpunga, neriullungalu siammasissumik ilalernerqassasoq.

### **Pisortanut aningaasatigut allaffissornikkullu kingunissai**

Naalakkersuisut §37 tungavigalugu apeqquteqaammut normu. 007-2023 akissuteqarnerminni ersersippaat, pisortanut aningaasatigut kingunissat kisinneqarsinnaasimanngitsut<sup>1</sup>. Oqaatigisinnaavarali katillugit inuit sisamat (piffinni marlukkaarlugit) pikkorissartinneqassammata/ilinniartinneqassammata, ukiuni marlunni akissarsiaqartinneqassammata, piffinni marlukkaarlugit allaffeqarnikkut aningaasartuuteqarfigineqassammata, pikkorissariarnermi/ilinniariarnermi angalanernut aningaasartuuteqarfigineqassammata taamatullu suligasuarnermut nalilersuinernut aningaasartuuteqartoqassalluni. Taakku ukiuni marlunni 2,5 million koruuni qaangernissaat naatsorsuutigineqanngilaq.

**Namminersorlutik inuussutissarsiteqartunut aningaasatigut allaffissornikkullu kingunissai**  
Soqanngilaq.

**Innuttaasunut aningaasatigut allaffissornikkullu kingunissai**  
Soqanngilaq.

---

<sup>1</sup> Akissut §37 apeqquteqaat normu. 007-2023